

**BOSNA I HERCEGOVINA
FEDERACIJA BOSNE I
HERCEGOVINE
KANTON SARAJEVO
SKUPŠTINA KANTONA
VLADA KANTONA SARAJEVO**

Na osnovu člana 106., a u vezi sa članom 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15 48/48/16, 9/20, 14/20, 16/22 i 17/22-Ispravka), pokrećem:

**INICIJATIVU: OBEZBJEĐENJE DOVOLJNOG BROJA KEMOTERAPIJA ZA
OBOLJELE OD KARCINOMA U KS**

OBRAZLOŽENJE:

Mjesec oktobar se obilježava kao mjesec podizanja svijesti o prevenciji raka dojke. U KS jedina općina koja kontinuirano daje podršku udruženjima koja se bore sa ovom tematikom jeste Općina Hadžići. Nažalost, podrške za ove stvari svih drugih nivoa vlasti su poražavajuće. U FBiH je 1771 osoba oboljela od različitih vrsta karcinoma i još uvijek čeka na pravo na liječenje, odnosno na terapiju. Vlada FBiH je rebalansom Budžeta za 2023. godinu predvidjela sredstva za Fond solidarnosti pri Zavodu osiguranja FBiH u iznosu od 10 miliona KM za liječenje pacijenata sa ovim oboljenjem. Zaključkom Vlade FBiH, koja poziva kantonalne Vlade i kantonalne zavode zdravstvenog osiguranja, koji su iskazali suficit, da se pridruže naporima Vlade FBiH u rješavanju problema liječenja pacijenata oboljelih od karcinoma i osiguraju dio sredstava potrebnih za njihovo liječenje do kraja godine. Obzirom na broj oboljelih u KS u prošloj godini, 764 osobe, i taj broj je u stalnom porastu, molim Skupštinu KS da iznađemo način da pomognemo ovim ljudima da se izbore sa ovom opakom bolešću i osiguramo im pravo na liječenje.

Predlažem sljedeći zaključak:

Zadužuju se Vlada KS i Zavod zdravstvenog osiguranja KS, svako iz svoje nadležnosti, da obezbijede neophodna sredstva u Budžetima za Fond solidarnosti pri Zavodu zdravstvenog osiguranja KS, kako bi se obezbjedilo i osiguralo neophodno liječenje i pravo na liječenje za osobe oboljele od karcinoma do kraja godine.

ZASTUPNIK SDA U SKS
Adi Kalem